

隔牆有耳：騎馬仔，博上位選人大

李八方

(刊於 2007-12-12 蘋果日報)

年尾流流又係選舉旺季，電台電視台輪流選完金曲，出年 1 月 3 號仲有一個小圈子選舉開鑼，就係第十一屆港區人大選舉，當日會首先推選主席團，1 月 25 號正式投票。選金曲歌迷有份投票，選人大封閉好多，只得約 1,300 個選委、人大、政協等人士組成□選舉團有投票權。好似陳太咁，拋個身出□直選要上街拉票，又要俾土共辱罵，小圈子選舉都要拉票，不過唔使拋頭露面，只需逐個選民敲門□，呢□小圈子遊戲，跑唔跑得出主要睇政治關係同政治背景，八方收到風，近期唔少人頻頻向左派陣營送秋波，其中一個係城大法律學者梁美芬。

梁美芬要靠自己

有左派人士同八方講，梁教授對人大躍躍欲試，想挾住當選區議員個勢□政壇再上一層樓。不過左派計過票，今屆選舉團近 1,300 個選民之中，打正民建聯旗號□只有百零張，工聯會則未夠 100 票，佢□要捧自己友做人大尙且自身難保，應該無餘力送其他人一程，相信梁教授要自食其力。至於中聯辦會唔會扶助佢，就要睇佢有幾多本事□。另一位積極拉票□係人大常委曾憲梓乖仔曾智雄，弔詭之處係佢伯爺仲未講實退落□，令接到智雄拉票電話人士好疑惑。八方得到□消息，係北京未就智雄做人大拍板，曾憲梓未確定兒子能夠繼位前一於唔表態，若然智雄有機會上位，佢老人家就做多屆，唔會輕易將個位拱手讓人。近排人氣急升□德成局長都未明確表態會否角逐連任人大，有人指佢唔會參選，專心做官，但佢忽然狠批「港英餘孽」，政界中人不排除佢仍然戀棧，如果佢以「怒斥舊電池」、「踢爆黃皮狗」做政綱，勾起土共老左集體回憶，八方包佢高票當選。

民主派興趣不大

五年前民主黨派人參選人大，今年卻興趣不大，事關今屆取消預選，民主派偷雞爆冷機會驟減，可以話零機會入圍，民主黨主席何俊仁話聽日中委會會訂出黨員參選人大機制，有興趣黨員可以報名，再由黨中央篩選。上次有參選□何俊仁表明拒絕再玩，有人話人大都不過係「舉手機器」，八方相信其他人都有乜興趣。泛民選委組成□公共專業聯盟前晚都傾過人大選舉問題，暫時未有人表態想去馬。